



República Democrática de Timor-Leste  
Ministério do Ensino Superior, Ciência e Cultura  
*Avenida Marginal No.4 Colmera, Díli*



# Konkursu Proposta

## PROMOSAUN IGUALDADE JÉNERU IHA IES

### EXKLUZIVA BA DE'IT INSTITUISAUN ENSINU SUPERIÓR PÚBLIKU/PRIVADU SIRA ATU APLIKA .....!!!!!!

Ministériu Ensínu Supérior, Siénsia no Kultura  
Servisu hamutuk ho Sekretaria Estadu Igualdade (SEI),  
loke Konkursu Proposta ba IES Públiku/Privadu


**“PROPOSTA PLANU NO ATIVIDADE IMPLEMENTASAUN BA PROMOSAUN IGUALDADE JÉNERU IHA IES SIRA”**

Data Submete Proposta: 8 - 21 Julu 2024  
Direta ba: Gabinete DGPF - MESSK  
Online: [info.rp.mesccc@gmail.com](mailto:info.rp.mesccc@gmail.com)  
Contacto: +67077308770

Informasaun kompletu  
bele haree iha Website MESSK  
liuhusi Scan QR-Code iha aneksu:



Ministério do Ensino Superior,  
Ciência e Cultura



[WWW.MESCC.GOV.TL](http://WWW.MESCC.GOV.TL)



*Dalaba,*  
**IGUALDADE**



Sei Selesiona Manán-Na'in (NAIN 2)  
Hodi Tuir Study Tour iha Universidade  
**WARMADWA BALI, INDONESIA ..!!!!**







## “Dalan ba Igualdade” – Konkursu Proposta no Atividade Implementasaun Igualdade Jéneru iha Instituisaun Ensinu Superiór

Ministériu Ensinu Superiór, Siénsia no Kultura, hanesan Instituisaun responsavel ba asuntu Ensinu Superiór nian ne’ebé mak difine iha orgánika Ministériu nian, tuir Dekretu lei No.56/2024 6 Setembru, hodi fo kompeténsia tomak hodi ezerse nia funsaun nu’udar Instituisaun ne’ebé iha responsavel ba planeamentu polítika no estratéjika ba melloramentu sistema ensinu superiór iha Timor-Leste nian.

Ho nune’e alvu importante ba Polítika ministériu nian maka, atu promove qualidade ensinu superiór ne’ebé dí’ak atubele garante qualidade rekursu umanu ba sustentabilidade futuru nasaun Timor-Leste nian.

Haree ba polítika ida-ne’ebé presiza duni atu fó oportunidade ba sidadaun hotu-hotu iha direitu hanesan hodi asesu ba nivel edukasaun no oportunidade ne’ebé efikás atubele dezenvolve sira-nia an. Ne’eduni, Ministériu Ensinu Superiór, Siénsia no Kultura, liuhusi servisu hamutuk ho Sekretaria Estadu Igualdade kada tinan hodi promove asuntu igualdade jéneru no inkluzo nian iha setór ensinu superiór, liuliu kestaun igualdade ba oportunidade no partisipasaun feto iha Ensinu Superiór.

Ho nune’e iha tinan 2024, Ministériu hakarak integra nia parseiru sira hanesan Instituisaun Ensinu Superiór Públiku/Privadu sira iha territóriu nasionál atu sai hanesan promotór ba asuntu igualdade jéneru iha Instituisaun Ensinu Superiór sira, atu nune’e estudante sira bele hetan sira-nia direitu ba oportunidade.

Objetivu seluk husi programa ida-ne’e maka atu institucionaliza asuntu igualdade jéneru ba Instituisaun Ensinu Superiór sira hotu iha Timor-Leste, atu promove asuntu jéneru iha sira-nia Instituisaun, liuliu iha ambiente, asesu ba oportunidade, no liberdade espresaun no asuntu seluk tan ne’ebé maka bele fó biban ba estudante/dosente sira hotu atubele espresa sira-nia abilidade no hetan esperiénsia ne’ebé bele uza ba sira-nia futuru.

Ministériu Ensinu Superiór, Siénsia no Kultura hakarak loke konkursu públiku ba Instituisaun Ensinu Superiór sira iha Timor laran tomak, hodibele **hato’o no apresenta planu atividade ida** ne’ebé mak implementa ona ou iha prosesu implementasaun ligadu ho asuntu jéneru iha sira-nia Instituisaun.

Nune’e, atividade konkursu ida-ne’e ho tema –“Dalan ba Igualdade”, ho **objetivu prinsipál** maka :

- Promove atividade igualdade jéneru iha Instituisaun ensinu superiór sira;
- Promove kapasitasaun no domíniu iha asuntu igualdade jéneru;
- Promove liberdade oportunidade no kritividade atu elabora programa dezenvolimentu ba asuntu igualdade jéneru;



- Kontribui atu hadi'a política nasionál kona-ba kestaun igualdade jéneru ;
- Instituisaun ensinu superiór sira, promove integrasaun, inklusaun no kualidade rekursu umanu iha instituisaun nian laran;
- Partilla koñesimentu no esperiénsia ne'ebé hetan ona ho parte seluk.

#### **No objetivu jerál maka:**

- Ezekuta *Boas Práticas* hodi implementa Igualdade Jéneru iha Instituisaun Ensinu Superiór sira, ho nia impaktu pozitvu liuhusi atividade iha Universidade/Instituto sira no ba Komunidade;
- Institusionaliza asuntu jéneru ba Instituisaun Ensinu Superiór sira iha Timor-Leste;
- Halo asuntu jéneru sai asuntu komún entre instituisaun ensinu superiór sira hotu;
- Promove liberdade, oportunidade no espresaun ba comunidade akadémika atu espresa sira-nia abilidade;
- Kria liña *networking* asuntu jéneru entre Ministériu ho nia parseiru sira atubele reforsa liután promosaun ba asuntu jéneru nian iha futuru.

#### **Kritériu sira**

**Kritériu Proposta:** Konkursu ida-ne'e sei loke de'it ba Instituisaun Ensinu Superiór sira-ne'ebé mak eziste iha Timor-Leste. No Instituisaun Ensinu Superiór ida-idak sei submete de'it proposta ne'ebé ho kritériu sira hanesan tuirmai ne'e:

- Tema ``Dalan ba Igualdade``
- Proposta sei aborda kona-ba importánsia no mekanizmu implementasaun asuntu igualdade jéneru iha Instituisaun Ensinu Superiór ida-idak;
- Instituisaun Ensinu Superiór ida-idak sei dezenvolve proposta bazeia ba kada planu no programa husi referente instituisaun ne'e rasik;
- Proposta ne'ebé mak hakerek tenke define klaru ninia planu no programa ne'ebé mak sei implementa no ida-ne'ebé mak hala'o tiha ona (karik eziste);
- Dokumentus ba proposta nian tenke hetan sertifikasaun no asinatura husi hakerek na'in sira, inklui hetan sertifikasaun husi responsavel máximu estrutura Instituisaun Ensinu Superiór sira nian (*Reitór, vise-reitór ou dekanu sira ne'ebé maka toma konta asuntu jéneru iha Instituisaun Ensinu Superiór sira*)
- Sei prienxe no submete fixa informativa husi proposta-na'in, no tenke hetan sertifikasaun husi Instituisaun Ensinu Superiór (*Responsavel Prinsipál Tenke Representante sira ne'ebé hola parte iha Estrutura akadémika, Reitór, Vise-Reitór, Dekanu ka sira-ne'ebé hola parte iha estrutura ezeutiva Instituisaun nian, liuliu kona-ba asuntu jéneru nian (karik iha)*)
- Submete hamutuk ho dokumentu identifikasaun sira husi responsavel prinsipál ba proposta;
- Proposta sei submete direta mai iha Gabinete Diresaun Jerál Planeamentu no Finansas (DGPF) ou bele liuhusi Email: [info.rp.MESCC@gmail.com](mailto:info.rp.MESCC@gmail.com) no [info.rp.mescc@mescc.gov.tl](mailto:info.rp.mescc@mescc.gov.tl) ho CC. Ba [julioguterres39@gmail.com](mailto:julioguterres39@gmail.com)



**Kritériu Obrigatóriu Responsavel Aplikante:** Aplikante tenke hola parte iha Estrutura akadémiku nian, ne'ebé mak sai mós hanesan responsavel ba toma desizaun iha Instituisaun Ensinu Superiór ne'ebé mak nia representa ba, ho nia kritériu dokumentu sira-ne'ebé submete hamutuk tuirmai ne'e:

- Kartaun Eleitorál no BI;
- Kartaun Funsionáriu husi Universidade/Instituto;
- Karta rekomendasaun husi Universidade ne'ebé rekomena katak referente Kandidatu mak representa Intituisaun no disponivel atu tuir konkursu no viajen durante períodu programa ne'e la'o (Tenke asina husi Reitor)
- Pasaporte tenke válidu, mínimu fulan hitu (7)

### Durasau Konkursu

- Sorumutu tékniku ho MESSK no SEI hodi diskute kona-ba Implementasaun no Kompozisaun Júri: **05 Jullu 2024;**
- Sorumutu tékniku ho Universidade Sira: **05 Jullu 2024;**
- Publikasaun Anúnsiu Publisidade: **05 Jullu 2024;**
- Submissaun Dokumentus no Proposta (Direta & Online): **8 to'o 21 Jullu 2024;**
- Avaliasaun Dokumentus: **23 – 25 Jullu 2024;**
- Publikasaun Rezultadu: **26 Jullu 2024;**
- Preparasaun Administrativa ba Viajen: **29 Jullu – 16 Agostu 2024;**
- Formasaun iha Bali (Inklui data *partida* no *Regresso*): **18 - 23 Agostu 2024 (Total Loron 5);**
- Apresentasaun Relatóriu husi Manán-Na'in sira: **29 Agostu 2024;**

### Rezultadu, Rekoñesimentu no Obrigasaun

1. **Sei selesiona de'it manán-na'in (Na'in 2):** husi Instituisaun Ensinu Superiór rua (2), ne'ebé mak ho proposta bazeia ba qualidade husi Planu no Atividade ne'ebé implementa iha Universidade/Instituto rasik, ne'ebé mak Ministériu sei fó rekoñesimentu hanesan tuirmai ne'e:
2. **Study Tour ba Universidade Warmadewa Bali Indonézia durante loron tolu (3):** Hodi aprende kona-ba Konseitu no *boas práticas*, igualdade jéneru iha universidade refere ho nia implementasaun no impaktu ba iha Universidade no Sociedadade.
3. **Sertifikadu Apresiasaun:** Ministériu sei oferese sertifikadu apresiasaun hodi rekoñese qualidade husi konkorente sira no Universidade sira-ne'ebé mak sei sai mós hanesan ezemplu di'ak (Brand Embaixador MESSK nian ba Asuntu Jéneru nian) iha atividade implementasaun Igualdade Jéneru tuirmai.
4. **Obrigasaun:** Hafoin termina vizita-estudu sei iha períodu semana ida atu manán-na'in sira apresenta relatóriu kona-ba atividade vizita estudo nian, ninia konteúdu sei inklui mós ho rekomendasaun bazeia ba rezultadu estudo ne'ebé maka iha ho kondisaun Instituisaun Ensinu Superiór Timor-Leste nian.





### **Ekipa júri ba konkursu ne'e sei komposta husi:**

1. Tékniku husi Komisaun Organizadora MESCC (***Kritériu sira Konkursu nian***)
2. Representante husi Diresaun Jerál Ensinu Superiór (***Konteúdu no Tipu Proposta***)
3. Representante husi Sekretaria Estadu ba Igualdade (***Konseitu Igualdade Jéneru ho nia Prespetiva sira***)

### **Avaliasaun**

Métodu Avaliasaun sei hala'o ho meius *fechado* entre ekipa júri sira tuir kritériu sira-ne'ebé mak indika ona, ho valór ka pontus persentajen hanesan tuirmai:

1. Tékniku husi Komisaun Organizadora MESCC (***Kriterius de Konkursu***) ho valór **20%**  
Sei halo Avaliasaun ba Kritérius Adminstrativas, ne'ebé kondís ho kritérius ba Konkursu nian, hodi garante efisiénsia no efikásia husi konkursu ida-ne'e nian;
2. Representante husi Diresaun Jerál Ensinu Superiór (***Konteúdu no Tipu Proposta***) ho nia valór **40%**  
Sei foka ba konteúdu, hodi haree liu ba konseitu planu no atividade ne'ebé mak sei implementa husi Universidade sira, kondís ho metas no objetivu Ministériu nian ba Implementasaun Asuntu ida-ne'e nian;
3. Representante husi Sekretaria Estadu ba Igualdade (***Konseitu Igualdade Jéneru ho nia Prespetiva sira***) ho nia valór **40%**  
Sei foka ba Asuntu Jéneru no impaktu sira-ne'ebé mak defini iha kada proposta nian, atu hetan konsiderasaun ba efeitu implementasaun ne'ebé mak kondís no afavór ho situasaun Timor-Leste liuliu impaktu no nia benefísiu sira.

### **Termus Kondisaun no Aseitasaun**

#### **Termus Kondisaun**

- Sei la konsidera no esklui proposta ne'ebé la refleta no ses husi asuntu no tema;
- Sei esklui automática proposta sira-ne'ebé mak ekipa identifika plájiu;
- Sei la konsidera proposta sira-ne'ebé la bazeia ba kritériu sira-ne'ebé mak komisaun identifika;
- Oportunidade ba formasaun sei oferese de'it ba responsavel proposta ne'ebé maka indika husi Instituisaun ensinu superiór sira, konforme ho dokumentu ne'ebé mak submete mai Ministériu.

#### **Termus Aseitasaun**

- Proposta sira-ne'ebé mak selesionadu sei sai hanesan propriedade Ministériu nian, nune'e ministériu iha direitu tomak atu utiliza dokumentu sira-ne'e ba nesesidade Ministériu nian.



**REPÚBLICA DEMOCRÁTICA DE TIMOR-LESTE**  
**MINISTÉRIO DO ENSINO SUPERIOR, CIÊNCIA E CULTURA**  
**Direção Geral do Planeamento e Finanças**  
Rua Avenida Maginal no 4 Dili, Timor Leste



- Manán-na'i sira tenke implementa programa ne'ebé define iha proposta atu aplika iha sira nia Instituisaun hafoin formasaun hotu, atu nune'e promove asuntu jéneru iha sira-nia Instituisaun ida-idak,
- Aseita katak sei iha disponibilidade tomak atu atende período formasaun to'ó remata no kualkér asuntu ne'ebé iha relevánsia ho programa ida-ne'e;
- Aseita katak sei kontinua atu sai hanesan pontu-fokál ba asuntu jéneru nian hamutuk ho Ministériu hodi promove atividade jéneru iha programa ne'ebé mak sei realiza husi ministériu iha futuro.





## FIXA INSKRISAUN

“Dalan ba Igualdade” – Konkursu Proposta no Atividade Implementasaun  
Igaldade Jéneru Iha Instituisaun Ensinu Superiór

### I. INFORMASAUN PESOÁL

- a. Naran :
- b. Seksu :
- c. Hela Fatin :
- d. Nu. Kartaun eleitorál :
- e. Nu. Kartaun Univ/Inst :
- f. E-mail :
- g. Nu. Telemóvel :

### II. KALENDÁRIU KONKURSU

- Publikasaun Anúnsiu Publisidade: **05 Jullu 2024;**
- Submisaun Dokumentus no Proposta (Direta & Online): **8 to’o 21 Jullu 2024;**
- Avaliasaun Dokumentus: **23 – 25 Jullu 2024;**
- Publikasaun Rezultadu: **26 Jullu 2024;**
- Preparasaun Administrativa ba Viajen: **29 Jullu – 16 Agostu 2024;**
- Formasaun iha Warmadewa: **18 - 23 Agostu 2024 (Totál loron 5);**
- Aprezentasaun Relatóriu husi Manán-Na’in sira: **29 Agostu 2024;**

### III. TERMUS KONDISAUN NO ASEITASAUN

#### Termus Kondisaun

- Sei la konsidera no esklui proposta ne’ebé mak la refléta no ses husi asuntu no tema;
- Sei esklui automatika proposta sira-ne’ebé mak ekipa identifika plájiu;
- Sei la konsidera proposta sira-ne’ebé la bazeia ba kritériu sira-ne’ebé mak komisaun identifika,
- Oportunidade ba formasaun sei ofere de’it ba iha responsavel proposta ne’ebé maka indika husi Instituisaun ensin superior sira, conforme dokumentu ne’ebé submete mai Ministériu.

#### Termus Aseitasaun

- Proposta sira-ne’ebé mak selesionadu sei sai hanesan propriedade Ministériu nian, nune’e ministériu iha direitu tomak atu utiliza dokumentu sira-ne’e ba nesesidade Ministériu nian;
- Manán-na’in sira tenke implementa programa ne’ebé define iha proposta atu aplika iha sira-nia Instituisaun hafoin formasaun hotu, atu promove asuntu jéneru iha sira-nia Instituisaun ida-idak;
- Aseita katak sei iha disponibilidade tomak atu atende períodu formasaun to’o remata, no kualkér asuntu ne’ebé mak iha relevánsia ho programa ida-ne’e;
- Aseita katak sei continua atu sai hanesan pontu-fokál ba asuntu jéneru nian hamutuk ho Ministériu atu promove atividade jéneru iha programa ne’ebé mak sei realiza husi ministériu iha futuru mai;



#### IV. AVALIASAUN

1. Sei halo Avaliasaun ba Kritériu Adminstrativu sira-ne'ebé kondís ho kritérius ba Konkursu nian (**Kritériu Konkursu**) ho valór 20%;
2. Avaliasaun ba konseitu planu no atividade ne'ebé mak sei implementa husi Universidade sira, kondís ho metas no objetivu Ministériu nian ba Implementasaun Asuntu ida-ne'e nian (**Kontéudu no Tipu Proposta**) ho nia valór 40%;
3. Avaliasaun ba Asuntu Jéneru no impaktu sira-ne'ebé mak define iha kada proposta nian, atu hetan konsiderasaun ba iha efeito implementasaun ne'ebé mak kondís no afavór ho situasaun Timor-Leste, liuliu impaktu no nia benefísiu sira (**Konseitu Igualdade Jéneru ho nia Prespetiva sira**) ho nia valór 40%.

#### V. REZULTADU, REKOÑESIMUNTU NO OBRIGASAUN

1. **Sei selesiona de'it manán-na'in (na'in 2):** husi Instituisaun Ensinu Superiór rua (2), ne'ebé mak ho proposta bazeia ba qualidade husi Planu no Atividade ne'ebé mak implementa iha Universidade/Instituto rasik, ne'ebé mak Ministériu sei fó rekoñesimentu hanesan tuirmai ne'e:
2. **Study Tour ba Universidade Warmadewa Bali Indonésia durante loron tolu (3):** Hodi aprende kona-ba konseitu no *boas práticas*, igualdade jéneru iha universidade refere ho nia implementasaun no impaktu ba iha Universidade no Sosiedade;
3. **Sertifikadu Apresiasaun:** Sei oferese sertifikadu apresiasaun husi Ministériu atu apresia qualidade husi konkorente sira no Universidade sira-ne'ebé mak sei sai mós hanesan ezemplu di'ak (*Brand Embaixador* MESSK nian ba Asuntu Jéneru nian) iha atividade implementasaun Igualdade Jéneru tuirmai;
4. **Obrigasaun:** Hafoin termina vizita-estudu, sei iha período semana ida, atu manán-na'in sira apresenta relatóriu kona-ba atividade vizita estudu nian, ne'ebé mak nia kontéudu sei inklui mós ho rekomendasaun bazeia ba rezultadu estudu ne'ebé maka iha ho kondisaun Instituisaun Ensinu Superiór Timor-Leste nian.

Ha'u lee tiha ona no aseita ho termus no kondisaun sira husi konkursu Proposta "Dalan ba Igualdade"

Konkorente:

Asinatura: \_\_\_\_\_ /Data:

Halo favór aneksa ho dokumentu obrigatoriu sira hanesan tuirmai ne'e:

1. Fixa Inskrisaun (**Tenke Asina husi Responsavel Prinsipál**)
2. Proposta ba Konkursu (**Tenke Asina husi Responsavel no Reitór Universidade/Instituto**)
3. Karta Rekomendasaun husi Universidade/Instituto (**Tenke Asina husi Reitór Universidade/Instituto**)
4. Kopia Kartaun Eleitorál no BI
5. Kopia Pasaporte Válido (Mínimu fulan 7)
6. Kopia Kartaun Funsionáriu husi Universidade/Instituto

Dokumentu sira-ne'e bele submete Direta no Online:

- **Direta:** Submete ba Diresaun Jerál Planeamentu no Finansas, durante período loron no oras servisu nian hahú husi **data 8 – 19 Jullu 2024, tuku 08:30 to'o tuku 5:30 loraik.**
- **Online:** Dokumentu sira-ne'e kombina hamutuk PDF úniku ida no tau naran (**Ezemplu: CIG2024\_Manuel\_Amaral\_Naran Universidade/Instituto**), haruka ba E-mail: [info.rp.mescc@gmail.com](mailto:info.rp.mescc@gmail.com), hahú husi **data 8 – 21 Jullu 2024**

Ba informasaun ou asisténsia ruma, halo favór kontaktu 77308770 ou [info.rp.mescc@gmail.com](mailto:info.rp.mescc@gmail.com)